

2021. Ordenantza fiskalak. Behin betiko onarpena 2020ko irailaren 25ean izandako Bermeoko Udaleko Osoko Bilkuran BAO 2020/10/06. 192. zk.

ORDENANTZA FISKALA, BIDE PUBLIKOKO LURZORUA, LURZORU-AZPIA ETA HEGALDURA OKUPATZEAGAITIK ORDAINDU BEHARREKO TASA ARAUTZEN DUENA

1. artikulua: KONTZEPTUA

Tokiko Araubidearen Oinarriak arautzen dauzan apirilaren 2ko 7/1985 legearen 106. artikulua emondako ahalmenak erabilteko eta Tokiko Ogasunen 9/2005 Foru Arauaren 21. artikuluko 1 eta 4 ataletan ezarritakoagaz bat etorruta, bide publikoko lurzorua, lurzoru-azpia eta hegaldura okupatzeagaitik tasea ezarri da. Tasa hori ordenantza fiskal honek arautuko du, eta haren arauak Foru Arau horren 21. artikuluan eta hurrengoetan ezarritakoa bete beharko dabe.

2. artikulua: EGITATE EZARGARRIA

Tasaren egitate ezargarria da udalaren herri jabariaren aprobetxamendu berezia edo erabilera pribatiboa.

3. artikulua: SUBJEKTU PASIBOA

Subjektu pasiboak dira lizentziak edo emakidak jasoten dituen pertsonak edo erakundeak, edo aprobetxamenduaren onuradunak, baimen egokirik barik gauzatu badira.

4. artikulua: OINARRI EZARGARRIA

Herri jabariko erabilera pribatiboa edo aprobetxamendu berezia gauzatuko dan unidade bakotxa izango da oinarri ezargarria, hurrengo artikuluan ezarritakoaren arabera.

5. artikulua: KUOTA

1.- Ordenantza honetan araututako tasa hurrengo 4. atalean agertzen diran tarifetan finkaturikoa izango da.

2.- Halan eta guztiz be, udalaren bide publikoetako lurrazpiko, lurzoru gaineko edo hegalduretako aprobetxamendu berezien edo erabilera pribatiboen tasea enpresek udalerrian lortuko daben fakturazinetik datozen sarrera gordinen %1,5ekoa izango da, beti be hitzarmenean xedatutakoagaz bat etorritz. Aprobetxamendu berezien eta erabilera pribatiboak auzotar guztiei edo batzuei eragiten deutseen hornidura zerbitzuak ustiatzen daben enpresen aldekoak dira.

3.- TELEFONICA S.A. enpresari egokituko jakon kopurua zemendiaren 30eko 10/87 Foru Arauan oinarrituta urtero esku dirutan egiten dan konpentsazinoan sartuko da.

4.- Hauexek dira tasaren tarifak:

	2021 (€)
1.- Baskulak, zutoinak, kableei eusteko tximitelak, lotune, banaketa eta erregistroko kutxak, bakoitza urtean	10,62
2.- Transformadoreak, m ² -ko edo zatika urtean	10,62
3.- Edozein eratako kable edo hodi, metro lineal bakoitzeko edo zatika urtean	0,44
4.- Bide publikoaren lurpea gasolina deposituakaz okupetea m ³ -ko edo zatika urtean	264,87
5.- Bide publikoaren edo herri erabilerako lurren erreserba berezia auto-eskolen edo antzekoen praktiketarako, m ² -ko edo zatika urtean	10,62
6.- Eraikuntzan erabilitako garabi bakotzeko, besoak edo lumak bide publikoaren hegaldura hartzen bada, urtean	212,10

6. artikulua: KUDEAKETA ARAUAK

1.- Tarifen arabera eskatzekoak diren kopuruak eskatutako edo egindako aprobetxamenduagatik kitatuko dira eta epigrafe egokietan finkaturiko aldien arabera murriztu ahal izango dira.

2.- Ordenantza honetan araututako aprobetxamenduen emakidan interesa daben pertsonak edo erakundeek lizentzia eskatu beharko dabe aldez aurretik.

3.- Okupazinoa baimenduta, aprobetxamenduaren iraupena zehatz finkatu ezik, luzatutzat hartuko da harik eta interesdunek baja adierazpena aurkeztu arte.

4.- Baja aurkezteak hurrengo aldi naturalaren lehen egunetik aurrera izango ditu ondorioak, tarifen epigrafeetan agertzen dan aldia hain zuzen. Bajea aurkeztu ezik, tasa ordaintzen jarraitu behar da.

7. artikulua: SORTZAPENA

Ordenantza honetan araututako tasaren sortzapena eta ordaintzeko modua honakoa da:

a) Aprobetxamendu barrien eta 5. artikulua 2.a) ataleko aprobetxamenduen emakidak diranean, udalaren diru-bilketako bulegoetan egingo da ordainketea zuzenean.

b) Baimendutako eta luzatutako aprobetxamenduen emakidak diranean, tasa honen erroldetan edo matrikuletan sartu ostean, seihileko naturaletan ordainduko dira udalaren diru-bilketako bulegoetan.

XEDAPEN IRAGANKORRA

Enpresa ustiatzaileakaz sarrera gordinen zenbatekoa adosteko hitzarmenak egitearen inguruko 5.2. artikuluan xedatutakoa baliagarria izango da harik eta sarrera gordintzat zer hartzen dan arautu arte.

AZKEN XEDAPENA

Ordenantza hau behin betiko onetsi eban Udalbatzak 2000ko urriaren 26an egindako Osoko Bilkuran, eta haren aldaketak 2000ko abenduaren 30ean argitaratu ziran BAOren 251. alean. Halanda ze, 2001/01/01ean sartu zan indarrean eta indarrean jarraituko dau harik eta beren beregi aldatu edo indarrrik barik itxi arte.